

مرند اۆيکو

Mərənd öykü



بولبول

يازار: مير هدايت سيد مرندی

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

بولبول

مير ھدايت سيد مرندي

زورلا گۇزقاپاقلاريمى آچديم. گۇزلىرىم بيريئرى گۇرموردو. گۇزقاپاقلاريمى نئچە دۇنە بىر- بىرينە ووردوم بلکہ قانلى پالچىقلار گۇزومون اۇنوندن دوشسونلر. ياش پردە آرخاسيندان اۇزومو دوورەسى نازىک ميلەلرلە اورتولموش بىر جىققىلى يئردە گۇردوم . ميلەلرى گۇردوكدە اورەيىم تۇكولدى. بورا ھارادى ، من بوردا نە انديرم؟! ايستەديم يئرىمدن قالخام، نفس كسيجى بىرآغرى جانيمى بورودو. بدنيمە باخديم، يئلكلريمين اوجوندا قان دونموشدو. گوجومو توپلايىب بىر ايكى دۇنە اۇزومو ميلەلرە چىرپديم آما ميلەلر چوخ موھكم گۇرونوردو. قافام قارىشىق ايدي . بىربوجاقدا سينم اوستوندە اوتوروب كئچميشى دوشوندوم. يادىما دوشدو بىر آز اۇنچە اوبور يولداشلاريملا چىچكىلى پوتاكلاردا اوبىاييرديم . بىردن بىر شئى قانادىما دئيىب جانيمى آغىر بىر سانجى توتدو. آرتىق پوتاقدا دايانا بىلنمەيىب بىرآت تىكەسى كىمين يئره دوشدوم. ايندى ايسە گۇز آچىب اۇزومو بوردا گۇرورم.

بىردن ساخلانديغىم يئر تىترەدى . دىكسينىب اۇنە باخديم. بىر قارا پاراق پيشىگى گۇردوم گلىب منلە اوز بە اوز اوتوردو. منى توتسايدى بىر تىكە انديب اوداردى. قورخودان پرپر چاليب اۇزومو قارشى ميلەلرە ووردوم. قاچاق يئرىم يوخويدو. اۇزومو دىپ بوجاغا چكىب چارە سىزجانىم تىترىە – تىترىە پيشىگە گۇز تىكدىم. پيشىك اۇنومدە اوتوروب بيغلار ياليردى. قورخوردوم گۇزلىرىنە باخام. گۇزىانى اونو ايزلەيىردىم . گۇزلىرىندە مەريبان بىر باخيش گۇروردوم. ياواش موو- موو انديردى. دئەسن ايستىردى منە آنلاداكى اوندان قورخمويام. اودا ائو صاحابىنين اوغلوندان راحتسىزايدي، نىيە كى دونن اونون ايكى گۇزل پيشبالاسين آپاريب آزديريب و اورەين يانديرييدىر.

اوشاق آدى ائشيدركن باشىم فيرلانماغا باشلادى . آغريدان اوشاقلاريم ھئچ يادىمدا دئيىليدى. آخى منىمدە ايكى جىققىلى جوجەم وار ، ايندى اونلار نە حالداдилار. آج- سوسوز سويوخدان اۇلمە سەلر ياخشىدير. يئنە گوجومو يىغىب اۇزومو ميلەلرە چىرپديم آما فايداسى يوخويدو. قاناتىمين ياراسى گۇز آچىب قان دامجيلارى يئره آخدى. آجىشمادان گۇزومدن ياش دامجىسى اوزومە دامدى. آغريدان چىغىردىم جە جە – جە جە . سسىم آعاجلار ين اىچينە دوشدو. جە جە- جە جە. ياخىنلىقدا اولان بىر ايكى بولبول قفسين باشىنا گلىب فيرلاندىلار آما پيشىگن قورخوسوندان ياخىنلاشا بىلمەدىلر. فقط چىغىرىدىلار: جە جە – جە جە .

پیشیک بونلاری گۆررکن سوزە گلدی :

- "مندن قورخما، سەنە یاردیم ائدە بیلە رەم می؟"

اینانا بیلیمیردیم. سئوینەجک سوروشدوم :

- یانی قفسین قاپیسینی آچا بیلرسن می؟!

اوتانا- اوتانا دئدی :

- قیفیلی کی آچا بیلەرمە ،اما سیملری گئەلدە بیللم کی چیخا بیلەسن.

سونرا فیکرلشیب آرتیردی :

- آما گرک صاباحادک دۆزک بلکە یاران بیر آز ساغالسین".

پیشیک بونو دئییب آغاشدان یئره هوپالیب اوزاقلاشدی. گئجە نی گۆز بئله یوممادیم . فیکریم جوجەلریمین یانیندایدی. ایندی اونلار سوپوقدان نە اندیرلر؟ زامان کئچمک بیلیمیردی. سحر چوخ گئز آچیلدی. تئزدن پیشیک گلیب دینمەدن ایشە باشلادی. آغزی بورنونو؛ سیملرین اورتاسینا سوخوب فیشار وئیریدی. سیبیل لرینین قیریلما سسینی ائشیدیردیم آما او سایمادان فیشار وئیریدی وچنگەسیلە سیملری جیرماقلاپیردی. بیردن پیشتە سسی، پیشییی اولکوتدو.

سسین آردینجا بیرباشماق تایی پیشییین قارینا دئییب اونو آغاجدان یئره دوشوردو. پیشیک قاقچیب دوواردا اوتوروب منە باخدی. بیر پۇتا اوغلان یاخینلاشیب قفسە باخیب سویون ودنینی دئییشیب بیرآز دوروب سونرا اوزاقلاشدی. او گئددیکدە پیشیک یانیمە گلیب دئدی:

- سنی بو اوغلان ووروب؛ منیمدە بالالاریمی بو آزدیریب.

دئمە اوغلان پیللە لر اوستونده اوتوروب رئزین داشیلا آغاجدا اوتوران قوشلاری قووردو وهرندنە قفسی ایزلە بیردی. گینە پیشیگی قفسین یاخینیندا گۆردوکدە دوشوندوکی پیشیک ایستیر منی توتوب یئسین، اودوکی اوخیلا بیر ایکی داش پیشییه ساری آتدی. پیشیک قورخودان توویلا دوواری آشیب قاقچدی. من دای آرتیق دۆزە بیلیمیردیم. اۆزومو اورتاسی آچیق سیملره ساری چکیب، چالیشدیم ائشییه چیخام. باشیم میلەلردن ائشییه چیخدی آما بدنیم چیخا بیلەمدی.

چوخ چالیشدیم فایداسی یوخویدو. قاناتیمین یاراسی گۆز آچیب اور ەییمی آجیشدیردی . نه اۇنه گنده بیلیردیم نه گئری دونه بیلیردیم . سیملرین اورتاسیندا گیر ائله میشدیم. نفسیم آغیر چیخیردی. چاره سیز سسلندیم :

- جه جه - جه جه - جه جه .

اوغان سسیمی ائشیدیب قفسه ساری قاچدی. بلکه پیشیگین منی توتودوغونو سانیردی. منی او وضع ده گۆردوکده آجیقلا نیب باشیمدان یاپیشیب حیرصلا سیملرین اورتاسیندان ائشییه چکدی. قاناتیمین بیر تیکه سی قوپوب قفسده قالدی. آغریدان نفس چکه بیلیمیردیم شایدده بوغولوردوم. دیمدییمی تئز- تئز آچیب یوموردوم کی بیر آز هاوا آلا بیلیم .

اوغان منی گۆیه قووزاییب مو حکم یئره چیریدی. نفسیم کسلیب دای اؤزومو بیلمه دیم. بیلنمه دیم نه زامان کئچدی پیشیگین مو- موووندان ترپنمه دن گۆز لیمی آچدیم. پیشیک قفسین یانیدا دوروب منی گۆرمه دن منه سویوش وئیریدی. سانیردی وفاسیزلیق ائدی؛ اونو گۆرمه دن اوچوب گئتمیشم. دای گوجوم قالمامیشدی. چوخ گوج ووردوم یالنیز بیرآز قانادیمی ترپده بیلدیم کی پیشیک منی گۆرسون. پیشیک منی گۆروب یانیمدا هوپالادی . منی اوحالدا گۆردوکده گۆز لری دولوب اوره کدن مووولدادی، دانیشابیلیمیردی. دینمه دن او یان بویانا باخیب پیلله لره ساری یؤنلیدی. قویروغون قووزاییب ازبله- ازبله، اؤزونو اوغلانین آیاقلارینا سورتدو. ندنینی بیلمه ییب شاشیرمیشدیم. اوغلان اوخونو بوینوندان آسلا ییب ائییلدی پیشیگی قوجاغینا آلدی و یاواش یاواش اونون توپلرینی تومارلادی. پیشیک بیردن پنجه سین آچیب اوغلانین اوز گۆزونو بیرتدی. اوغلان پیشیگی یئره آتیب چیغیرا- چیغیرا اوزونو اووجلادی. اوزونده کی جیزیقلاردان قان سوزدو. پیشیک یانیمدان قاچان زامان آخیر گوجومله جه-جه ووروب تشککورو مو بیلدیردیپ گۆز لیمی یومدوم